

四庫

全書

四庫全書

全書

第四四六冊

四庫全書

●上海古籍出版社

本冊目次

孔子編年	東家雜記	晏子春秋	魏鄭公諫錄	李相國論事集	杜工部年譜	杜工部詩年譜	紹陶錄	金佗粹編	金佗續編
------	------	------	-------	--------	-------	--------	-----	------	------

宋胡仔撰……………一	宋孔傳編……………五七	舊題周晏嬰撰……………九五	唐王方慶撰……………一六一	唐蔣偕編……………二〇九	宋趙子樸撰……………二五一	宋魯昌撰……………二五九	宋王質撰……………二七三	宋岳珂撰……………三〇五
------------	-------------	---------------	---------------	--------------	---------------	--------------	--------------	--------------

欽定四庫全書

史部
孔子編年卷二

詳校官編修 臣 范來宗
刑部郎中 臣 許兆椿覆勘

總校官編修 臣 王燕緒
校對官中書 臣 邱庭澧
臚錄監生 臣 倪桂馨

欽定四庫全書

史部七

孔子編年

傳記類一 聖賢之屬

提要

欽定四庫全書

孔子編年
提要

臣等謹案孔子編年五卷舊本題宋胡舜陟撰考書首有紹興八年舜陟序乃自靜江罷歸之日命其子仔所撰非舜陟自作也舜陟字汝明績溪人大觀三年進士靖康間官侍御史南渡初知廬州有禦寇功更歷數鎮最後為廣西經略使欲為秦檜父建祠高登不可因劾登以媚檜會以他事忤檜意亦逮治死於獄仔字元任後流寓吳興嘗輯詩話行於世即所謂苕溪漁隱者是也是書輯錄孔子言行以論語春秋三傳禮記家語史記世家所載按歲編排體例亦如年譜其不曰年譜而曰編年尊聖人也自周秦之間識緯雜出一切詭異神怪之說率託諸孔子大抵誕

謾不足信仔細依據經傳考尋事實大旨以論語為主而附以他書其採掇頗為審慎惟諸書紀錄聖言不能盡載其歲月行既限以編年不免時有牽合如左氏襄公二十一年鄭人游鄉校傳仲尼聞是語也云云杜預注謂仲尼於是十歲長而後聞之知孔子為此言不當在是年也仔細繫其事於十歲之下殊為疎舛又禮記儒行篇對魯哀公云云則繫之六十八歲哀公問篇大禮如何云云則又繫之七十二歲不知何所據而云然此類尤失於穿鑿然由宋以後纂集聖蹟者其書日多亦猥雜日甚仔細所論次猶為近古故錄冠傳記之首以見濫觴所自焉乾隆四十六年十月恭校上

總纂官臣紀昀臣陸錫熊臣孫士毅

總校官臣陸費墀

孔子編年原序

聖人達而在上者制治之法成於周公聖人窮而在下者制行之法成於孔子周公之制度其詳見於周官之書與五經並行於世可得而考若夫孔子動而世為天下道行而世為天下法者雜出於春秋三傳禮記家語與夫司馬遷世家而又多偽妄惟論語為可信足以證諸家之是非余令小子仔細揅其可信者而為編年凡五卷起襄公二十二年訖哀公十六年自孔子始生而至於終言動出處亦畧具矣夫以天縱之將聖生乎亂世而時無賢君莫能用之故去魯凡十三年適衛者五適陳適蔡者再適曹適宋適鄭適葉適楚者一而復自衛反魯豈苟然哉所以或仕或處或久或速莫非翔而後集色斯舉矣然轍環天下卒老於行者天也非人也如天欲平治天下必有尊德樂道之君出焉而吾夫子見用周公之事業復顯於當世矣故嘗嘆曰鳳鳥不至河不出圖吾已矣夫又曰甚矣吾衰也久矣吾

不復夢見周公觀其為魯中都宰一年為司空二年為
司寇三年經文緯武更制定令內以移風易俗外以折
衝禦侮而大邦震懼四方取則則夫子所謂苟有用我
者期月而已可也豈欺我哉惜乎未嘗有所終三年淹
也卒不見其有成豈非天乎當時游於諸侯有以致弟
子之不說而起後世之疑者莫不以見南子從弗擾佛
肸為非此蓋未之思也業已適其國而南子方用事欲
見而不見則其取辱必有甚於見矣然使聖人屈已而

欽定四庫全書

孔子編年
原序

見所不見是天之厄也違天不祥故曰予所否者天厭
之弗擾佛肸之召欲往而卒不往者明聖人有可見之
道欲為天下後世訓則不必往矣非從容中道者能之
乎余嘗考論語鄉黨一篇見聖人動作威儀之則至纖
至悉及其他篇見其所謂子之燕居申申夭夭子溫而
厲威而不猛子與人歌子所雅言之類皆弟子所記而
聖人動容周旋中禮了然在人目前學者得以取法也
今編年所書七十二年應世之行有出處去就之大節

孟子所謂集大成金聲玉振聖智之事舉在是矣嘉學
聖人者必有取於斯焉紹興八年三月壬子績溪胡舜
陟序

欽定四庫全書

孔子編年
原序

三

宋 胡仔 撰

孔子之先宋人也武王克商以商遺民封紂之子武庚以奉湯祀及武庚以管蔡叛成王命周公誅之以紂之庶兄微子啟為商後封于宋微子啟卒立其弟衍是為微仲微仲卒子宋公稽立宋公稽卒子丁公申立丁公申卒子湣公共立湣公共卒弟煬公熙立湣公長子曰

欽定四庫全書

孔子編年

弗父何何之弟鮒祀裁煬公以國授何何弗受鮒祀立是為厲公而何世為宋大夫其曾孫曰正考父考父之子曰孔父嘉孔父生時所賜號也子孫因為氏為華父督所殺其子奔魯始為陬人孔子之曾大父曰孔防叔防叔生伯夏伯夏生叔梁紇以勇力聞于諸侯晚求婚於顏氏顏氏三女季曰徵在妻之生孔子

庚戌魯襄公二十二年孔子生於魯平鄉陬邑

初徵在禱於尼丘之山而生孔子故名之曰丘字仲尼

為兒嬉戲常陳俎豆設禮容及長長九尺六寸人皆謂之長人

辛亥魯襄公二十三年年二

壬子魯襄公二十四年年三

父叔梁紇卒葬於防山防山在魯東

癸丑魯襄公二十五年年四

弟子秦商生

甲寅魯襄公二十六年年五

欽定四庫全書

孔子編年

乙卯魯襄公二十七年年六

弟子顏路生

丙辰魯襄公二十八年年七

丁巳魯襄公二十九年年八

戊午魯襄公三十年年九

弟子仲由生

己未魯襄公三十一年年十

鄭人游于鄉校以論執政然明謂子產曰毀鄉校如何

子產曰何為夫人朝夕退而游焉以議執政之善否其所善者吾則行之其所惡者吾則改之是吾師也若之何毀之我聞忠善以損怨不聞作威以防怨豈不遽止然猶防川大決所犯傷人必多吾不克止也不如小決使道不如吾聞而禁之也然明曰蔑也今而後知吾子之信可事也小人實不才若果行此其國實賴之豈唯一二臣孔子聞是語也曰以是觀之人謂子產不仁吾不信也

欽定四庫全書

孔子編年

三

庚申魯昭公元年年十一

弟子漆雕開生

辛酉魯昭公二年年年十二

壬戌魯昭公三年年年十三

癸亥魯昭公四年年年十四

甲子魯昭公五年年年十五

魯叔孫穆子初辟雋如之難奔齊及庚宗遇婦人使私為食而宿焉生子曰牛至齊娶於國氏生孟丙仲壬後

穆子反魯以牛為豎有寵牛拘孟丙殺之仲壬奔齊穆

子病豎牛弗饋食而卒豎牛立昭子而相之仲壬聞喪

至自齊季孫欲立之南遺曰叔孫氏厚則季氏薄彼實

亂家子勿與知不亦可乎南遺使國人助豎牛以攻諸

大庫之庭司宮射之中目而死豎牛取東鄙三十邑以

與南遺昭子即位朝其家衆曰豎牛禍叔孫氏使亂大

從殺適立庶又披其邑將以赦罪罪莫大焉必速殺之

豎牛懼奔齊孟仲之子殺諸塞關之外投其首於寧風

欽定四庫全書

孔子編年

四

之棘上孔子曰叔孫昭子不勞不可能也周任有言曰

為政者不賞私勞不罰私怨詩云有覺德行四國順之

弟子閔損生

乙丑魯昭公六年年年十六

丙寅魯昭公七年年年十七

丁卯魯昭公八年年年十八

戊辰魯昭公九年年年十九

娶于宋之亓官氏

己巳魯昭公十年年二十

伯魚生昭公使人遺以鯉魚孔子榮君之賜因名之曰

鯉字伯魚

庚午魯昭公十一年年二十一

辛未魯昭公十二年年二十二

楚靈王汰侈右尹子革侍坐左史倚相趨過王曰是良

史也子善視之是能讀三墳五典八索九丘對曰臣嘗聞

焉昔穆王欲肆其心周行天下將皆必有車轍馬跡焉

欽定四庫全書

孔子編年

五

祭公謀父作祈招之詩以止王心王是以獲沒於祗宮

臣問其詩而不知也若問遠焉其焉能知之王曰子能

乎對曰能其詩曰祈招之惜惜式昭德音思我王度式

如玉式如金形民之力而無醉飽之心王揖而入饋不

食寢不寐數日不能自克以及於難孔子曰古也有志

克己復禮仁也信善哉楚靈王若能如是豈其辱於乾

谿

楚工尹商陽與陳弃疾追吳師及之陳弃疾謂工尹商

陽曰王事也子手弓而可手弓子射諸射之斃一人報

弓又及謂之又斃二人每斃一人揜其目止其御曰朝

不坐燕不與殺三人亦足以反命矣孔子曰殺人之中

又有禮焉

壬申魯昭公十三年年二十三

癸酉魯昭公十四年年二十四

晉邢侯與雍子爭鄆田久而無成士景伯如楚叔魚攝

理韓宣子命斷舊獄罪在雍子雍子納其女於叔魚叔

欽定四庫全書

孔子編年

六

魚蔽罪邢侯怒殺叔魚與雍子於朝宣子問其罪

於叔向叔向曰三人同罪施生戮死可也雍子自知其

罪而賂以買直鮒也驚獄邢侯專殺其罪一也已惡而

掠美為昏貪以敗官為墨殺人不忌為賊夏書曰昏墨

賊殺皋陶之刑也請從之乃施邢侯而尸雍子與叔魚

於市孔子曰叔向古之遺直也治國制刑不隱於親三

數叔魚之惡不為末減曰義也夫可謂直矣平丘之會

數其賄也以寬衛國晉不為暴歸魯季孫稱其詐也以

寬魯國晉不為虐那侯之獄言其貪也以正刑書晉不為顛三言而除三惡加三利殺親益榮猶義也夫

母顏氏卒孔子少孤不知父墓乃殯其母於五父之衢人之見之者皆以為葬也其慎也蓋殯也問於陬曼父之母然後得合葬於防

甲戌魯昭公十五年年二十五

孔子合葬母於防曰吾聞之古也墓而不墳今丘也東西南北之人也不可以弗識也於是封之崇四尺孔子

欽定四庫全書

孔子編年

七

先反門人後雨甚至孔子問焉曰爾來何遲也曰防墓

崩孔子不應三孔子泣然流涕曰吾聞之古不修墓

乙亥魯昭公十六年年二十六

孔子母喪既祥五日彈琴而不成聲十日而成笙歌

丙子魯昭公十七年年二十七

郊子來朝昭公與之宴昭子問焉曰少皞氏鳥名官何故也郊子曰吾祖也我知之昔者黃帝氏以雲紀故為雲師而雲名炎帝氏以火紀故為火師而火名共工氏

以水紀故為水師而水名大皞氏以龍紀故為龍師而龍名我高祖少皞摯之立也鳳鳥適至故紀於鳥為鳥

師而鳥名鳳鳥氏歷正也玄鳥氏司分者也伯趙氏司至者也青鳥氏司啟者也丹鳥氏司閉者也祝鳩氏司徒也鵲鳩氏司馬也鵲鳩氏司空也黃鳩氏司寇也鸛

鳩氏司事也五鳩鳩氏也者五雉為五工正利器用正

度量吏民者也九扈為九農正扈民無滯者也自顓頊

欽定四庫全書

孔子編年

八

以來不能紀遠乃紀於近為民師而命以民事則不能

故也孔子聞之見於郊子而學之既而告人曰吾聞之

天子失官學在四夷猶信遂之邾邾程子於塗傾蓋而

語終日甚相親顧謂子路曰取束帛贈先生子路肩然

對曰由聞之士不中間見女嫁無媒君子不以交禮也

有間又顧謂子路子路又對如初孔子曰由詩不云乎

有美一人清揚婉兮邂逅相遇適我願兮今程子天下

賢士也於斯不贈則終身弗能見也小子行之

丁丑魯昭公十八年年二十八

孔子射於矍相之圃蓋觀者如堵墻射至於司馬使子路執弓矢出延射者貴軍之將亡國之大夫與為人後者不入其餘皆入蓋去者半入者半又使公罔之裘序點揚觶而語公罔之裘揚觶而語曰幼壯孝弟耆耄好禮不從流俗脩身以俟死者不在此位也蓋去者半處者半序點又揚觶而語曰好學不倦好禮不變旄期稱道不亂者不在此位也蓋僅有存者

戊寅魯昭公十九年二十九

欽定四庫全書

孔子編年
卷一

九

在魯

弟子冉求商瞿梁鱣生

己卯魯昭公二十年年三十

在魯

齊景公與晏嬰來適魯景公問孔子曰昔秦穆公國小處辟其霸何也對曰秦國雖小其志大處雖辟行中正身舉五段爵之大夫起縶繼之中與語三日授之以政以此取之雖王可也其霸小矣景公說

衛宗魯由齊豹事公孟繫齊豹將殺公孟繫宗魯知而弗告及難作死之琴張將往弔之孔子曰齊豹之盜而孟繫之賊女何弔焉君子不食姦不受亂不為利疚於回不以回待人不蓋不義不犯非禮

齊侯田于沛招虞人以弓不進公使執之辭曰昔我先君之田也旃以招大夫弓以招士皮冠以招虞人臣不見皮冠故不敢進乃舍之孔子曰守道不如守官君子禮之

欽定四庫全書

孔子編年
卷一

十

鄭子產有疾謂子大叔曰我死子必為政唯有德者能以寬服人其次莫如猛夫火烈民望而畏之故鮮死焉水懦弱民狎而翫之則多死焉故寬難疾數月而卒大叔為政不忍猛而寬鄭國多盜取人於萑苻之澤大叔悔之曰吾早從夫子不及此興徒兵以攻萑苻之盜盡殺之盜少止仲尼曰善哉政寬則民慢慢則糾之以猛猛則民殘殘則施之以寬寬以濟猛猛以濟寬政是以和詩曰民亦勞止汙可小康惠此中國以綏四方施之

以寬也母從詭隨以謹無良武遏寇虐慘不畏明糾之以猛也柔遠能通以定我王平之以和也又曰不競不綽不剛不柔布政優優百禄是道和之至也及子產卒孔子聞之出涕曰古之遺愛也

弟子高柴巫馬施生

庚辰魯昭公二十一年年三十一

在魯

魯有儉嗇者瓦鬲煮食食之自謂其美盛之士型之脆

欽定四庫全書

孔子編年

十一

以進孔子孔子受之歡然而悅如受太牢之饋子路曰瓦甌陋器也煮食薄膳也夫子何喜之如此乎子曰夫好諫者思其君食美者念其親吾非以饌具之為厚以其食厚而思我焉

弟子端木賜生

辛巳魯昭公二十二年年三十二

在魯

魯人有獨處室者隣之廢婦亦獨處一室夜暴風雨至

廢婦室壞趨而託焉魯人閉戶而不納廢婦自牖與之

言子何不仁而不納我乎魯人曰吾聞男女不六十不同居今子幼吾亦幼是以不敢納爾也婦人曰子何不如柳下惠然嫗不逮門之女國人不稱其亂魯人曰柳下惠則可吾固不可吾將以吾之不可學柳下惠之可孔子聞之曰善哉欲學柳下惠者未有似於此者期於至善而不襲其為可不謂智乎

壬午魯昭公二十三年年三十三

欽定四庫全書

孔子編年

十二

在魯

癸未魯昭公二十四年年三十四

魯大夫孟僖子將死召其大夫而屬之曰禮人之幹也無禮無以立吾聞將有達者曰孔丘聖人之後也而滅於宋其祖弗父何以有宋而授厲公及正考父佐戴武宣三命茲益共故其鼎銘云一命而僂再命而傴三命而俯循牆而走亦莫余敢侮饋於是粥於是以餉余口其共也如是臧孫紇有言曰聖人有明德者若不當世

其後必有達人今其將在孔丘乎我若獲沒必屬說與何忌於夫子使事之而學禮焉以定其位故孟懿子與南宮敬叔師事孔子子曰能補過者君子也詩曰君子是則是效孟懿子可則效已矣

南宮适問於孔子曰羿善射養蠶舟俱不得其死然禹稷躬稼而有天下夫子不答南宮适出孔子曰君子哉若人尚德哉若人

孔子謂南宮敬叔曰吾聞老聃博古知今通禮樂之原

欽定四庫全書

孔子編年

三

明道德之歸則吾師也今將往矣對曰謹受命遂言於魯君曰孔子將適周觀先王之遺制考禮樂之所極斯大業也君盍以乘資之臣請與俱往魯君子一乘車兩馬一豎子侍御敬叔與俱至周問禮於老聃訪樂於苴弘歷郊社之所考明堂之則察廟朝之度於是喟然曰吾乃今知周公之聖與周之所以王也

孔子將問禮於老聃聃曰子所言者其人與骨皆已朽矣獨其言在耳且君子得其時則駕不得其時則蓬累

而行吾聞之良賈深藏若虛君子盛德容貌若愚去子之驕氣與多慾態色與淫志是皆無益於子之身吾所以告子者若是而已孔子出謂弟子曰鳥吾知其能飛魚吾知其能游獸吾知其能走走者可以為罔游者可以為綸飛者可以為矰至於龍吾不能知其乘風雨而上天吾今日見老子其猶龍邪

孔子觀周明堂觀四門墉有堯舜之容桀紂之象而各有善惡之狀興廢之誠焉又有周公相成王抱之負斧

欽定四庫全書

孔子編年

十四

康南面以朝諸侯之圖焉孔子徘徊而望之謂從者曰此周之所以盛也夫明鏡所以察形往古所以知今人主不務襲迹於所以安存而急急所以危亡是猶却走而欲求及前人也豈不惑哉

孔子觀周遂入太祖后稷之廟廟堂右階之前有金人焉三緘其口而銘其背曰古之慎言人也戒之哉無多言多言多敗無多事多事多患安樂必戒無行所悔勿謂何傷其禍將長勿謂何害其禍將大勿謂不聞神將

同人焰焰不滅炎炎若何涓涓不壅終成江河綿綿不絕或成網羅毫末不札將尋斧柯誠能慎之福之根也口是何傷禍之門也強梁者不得其死好勝者必遇其敵盜憎主人民怨其上君子知天下之不可上也故下之知衆人之不可先也故後之溫恭慎德使人慕之執雖持下人莫踰之人皆趨彼我獨守此人皆惑之我獨不徙內藏我智不示人技我雖尊高人弗我害誰能於此江海雖左長於百川以其卑也天道無親而能下人

欽定四庫全書

孔子編年

卷一

戒之哉孔子既讀斯文也顧謂弟子曰小子識之此言實而中情而信詩曰戰戰兢兢如臨深淵如履薄冰行身如此豈以口過患哉

伯常騫問於孔子曰騫周周之賤史也不自以不肖將北面以事君子敢問正道宜行不容於世隱道宜行然亦不忍今欲身亦不窮道亦不隱為之有道乎孔子曰善哉子之問也自丘之聞未有若吾子所問辯且說也丘嘗聞君子之言道矣聽者無察則道不入奇偉不稽

則道不信又嘗聞君子之言事矣制無度量則事不成其政曉察則民不保又嘗聞君子之言志矣剛折者不終徑易者則數傷浩倨者則不親就利者則無不弊又嘗聞養世之君子矣從輕勿為先從重勿為後見像而勿強陳道而勿佛此四者某之所聞也

孔子將去周老聃問送之曰吾聞富貴者送人以財仁人者送人以言吾不能富貴竊仁人之號送子以言曰聰明深察而近於死者好議人者也博辨廣大危其身

欽定四庫全書

孔子編年

卷一

者發人之惡者也為人子者毋以有己為人臣者毋以有己孔子自周反於魯弟子稍益進焉

甲申魯昭公二十五年年三十五

季平子與郈昭伯以鬪難故得罪魯昭公昭公率師擊平子平子與孟氏叔孫氏三家共攻昭公昭公師敗奔於齊齊處昭公乾侯魯亂孔子適齊中路聞哭者之聲其音甚哀孔子謂其僕曰此哭哀則哀矣然非喪者之哀矣驅而前少進見有異人焉擁鑣帶索哭者不哀孔

養親者十有三

孔子至齊為高昭子家臣欲以通乎景公景公問政孔子曰君君臣臣父父子子景公曰善哉信如君不君臣不臣父不父子不子雖有粟吾得而食諸是時景公失政其大夫田氏厚施以奪其民而公不悟故孔子及之它日又復問政於孔子孔子曰政在節財景公說孔子去齊舍於外館景公造馬賓主之辭既接而左右白曰周使適至言先王廟災景公覆問災何王之廟也

孔子曰此必釐王之廟公曰何以知之孔子曰詩云皇皇上天其命不忒天之以善必報其德禍亦如之夫釐王變文武之制而作玄黃華麗之飾宮室崇峻與馬奢侈而弗可振也故天殃所宜加其廟焉以是占之為然公曰天何不殃其身而加罰其廟也孔子曰蓋以文武故也若殃其身則文武之嗣無乃殄乎故當殃其廟以彰其過俄頃左右報曰所災者釐王廟也景公驚起再拜曰善哉聖人之智過人遠矣

子聞韶三月不知肉味曰不圖為樂之至於斯也

乙酉魯昭公二十六年年三十六

在齊

齊高庭問於孔子曰庭不廣交不擇地據袂而執贄靜氣以問事君子之道願夫子告之孔子曰貞以幹之敬以輔之施仁無倦見君子則舉之見小人則退之去汝惡心而忠與之效其行脩其禮千里之外親如兄弟行不效禮不脩則對門不汝通矣夫終日言不遺己之憂

終日行不遺已之患唯智者能之故自脩者必恐懼以除患恭儉以避難者也終身為善一行則敗之可不慎乎

弟子與須生

丙戌魯昭公二十七年年三十七

在齊

吳延陵季子適齊於其反也其長子死葬於贏博之間孔子曰延陵季子吳之習於禮者也往而觀其葬焉其

欽定四庫全書

孔子編年

九

坎深不至於泉其斂以時服既葬而封廣輪掩坎其高可隱也既封左袒右還其封且號者三曰骨肉歸復於土命也若魂氣則無不之也無不之也而遂行孔子曰延陵季子之於禮也其合矣乎

丁亥魯昭公二十八年年三十八

晉韓宣子卒魏獻子為政分祁氏之田以為七縣分羊舌氏之田以為三縣司馬彌年為鄆大夫賈辛為祁大夫司馬烏為平陵大夫魏戊為梗陽大夫知徐吾為塗

水大夫韓固為馬首大夫孟丙為孟大夫樂霄為銅鞮

大夫趙朝為平陽大夫僚安為楊氏大夫謂賈辛司馬

烏為有力於王室故舉之謂知徐吾趙朝韓固魏戊餘

子之不失職能守業者也其四人者皆受縣而後見於

魏子以賢舉也賈辛將適其縣見於魏子魏子曰辛來

昔叔向適鄭駸蔑惡欲觀叔向從使之收器者而往立

於堂下一言而善叔向將飲酒聞之曰必駸明也下執

其手以上曰昔賈大夫惡娶妻而美三年不言不笑御

欽定四庫全書

孔子編年

三

以如臯射雉獲之其妻始笑而言賈大夫曰才之不可以已我不能射女遂不言不笑夫今子少不賜子若無言吾幾失子矣言之不可以已也如是遂如故知今女有力於王室吾是以舉女行乎敬之哉毋墮乃力孔子聞魏子之舉也以為義曰近不失親遠不失舉可謂義矣又聞其命賈辛也以為忠詩曰永言配命自求多福也也魏子之舉也義其命也忠其長有後於晉國乎戊子魯昭公二十九年年三十九